

欽定續通志



欽定續通志卷五百八十九

列女傳一

臣等謹按列女傳例凡孝女孝婦節婦及臨難守死夫亡身殉者是宜彰微闡幽皆得登記固有亂離之際能暫衆登陣克全城邑或間關報讎萬里負骨備歷艱苦以伸其志皆爲巾幗士之所難能錄之足裨風化者也茲採自唐至元各史依鄭志體例統爲之傳焉

唐

李德武妻裴淑英 楊慶妻王氏 房玄齡妻盧氏 獨孤師仁姆王蘭英 楊三安妻李氏 樊會仁母

敬氏 衛孝女無忌 鄭義宗妻盧氏 劉寂妻夏侯碎金 于敏直妻張氏 楚王靈龜妃上官氏 楊

紹宗妻王氏 賈孝女 李氏妻王阿足 樊彥琛妻魏氏 李畬母 汴女李氏 崔繪妻盧氏 堅貞

節婦李氏 符鳳妻玉英 高叡妻秦氏 王琳妻韋氏 盧惟清妻徐氏 饒娥 竇伯女仲女 盧甫

妻李氏 王泛妻魏氏 鄒待徵妻薄氏 金節婦 高愍女 楊烈婦 鄒保英妻奚氏 滑州唐氏 應妻高氏 青州王氏

賈直言妻董氏 李孝女妙法 李湍妻 董昌齡母楊氏 崔瑄祖母唐氏 王孝女和子 段居貞妻

謝氏 楊含妻蕭氏 韋雍妻蕭氏 衛方厚妻程氏 鄭孝女 李廷節妻崔氏 殷保晦妻封氏 竇

烈婦 李拯妻盧氏 山陽女趙氏 周迪妻 朱延壽妻王氏

李德武妻裴氏字淑英安邑公知之女以孝聞適德武踰歲而德武在隋坐從父金才事徙嶺南矩表離婚德武謂裴曰我遠投瘴癘必無還理於此長訣矣答曰夫天也可背乎願死無它欲割耳自誓保姆持之乃止夫姊妹

在都者裴歲時致禮惟謹居不御薰澤讀列女傳見述不更嫁者謂所親曰不踐二廷婦人之常何異而載之書後十年德武未還矩決嫁之斷髮不食矩知不能奪聽之德武更娶爾朱氏遇赦還至襄州聞其完節乃遣後妻重與裴合生三男四女貞觀中德武終於鹿城令裴後歲餘乃卒

楊慶妻王氏世充兄之女慶以河間王子爲郎王守榮陽降於世充故世充妻之用爲管州刺史太宗攻洛陽慶謀歸唐王曰鄭以我奉箕箒者綴公之心今負恩背義可若何願送還東都慶不聽王謂左右曰唐勝則鄭滅鄭安則吾夫死進退維谷何以生爲乃飲藥死慶入朝官宜州刺史

房玄齡妻盧氏失其世玄齡微時病幾死誦曰吾病革君年少不可寡居盧泣入帷中剔一目示玄齡明無它會玄齡愈禮之終身

王蘭英者獨孤師仁之乳母師仁父武都謀歸唐王世充殺之師仁始三歲免死禁錮蘭英請髡鉗得保養許之時喪亂餓死者籍籍王游丐道路以食師仁自啖土飲水後詐爲採薪竊師仁歸京師高祖嘉其義詔封蘭英永壽鄉君

舊書作封永壽郡君

楊三安妻李氏京兆高陵人

舊書作涇陽人

舅始亡三女又死家貧二子皆幼李晝田夜績數年間葬舅姑及夫兄弟凡

七喪遠近嗟歎太宗聞而異之賜帛三百段遣州縣存問免其徭役

樊會仁母敬氏字像子蒲州河東人始年適樊氏生會仁而夫死事舅姑謹順母兄以其少諷令改嫁者數次輒泣涕自誓母兄乃潛約婚於里人至期陽稱母病以召之敬至知見給乃僞爲不知者伺隙遁歸其兄追及半道敬誓以必死乃罷後會仁未冠卒時敬母又終既葬謂所親曰吾孀處不死者以母老子幼今母死子亡何生爲

遂號慟不食數日而死

衛孝女絳州夏人字無忌父爲鄉人衛長則所殺無忌甫六歲無兄弟母改嫁逮長志報父仇會從父延客長則在坐無忌以臂擊殺之詣吏稱父冤已報請就刑巡察使褚遂良以聞太宗免其罪給驛徙雍州賜田宅令州縣以禮嫁之

鄭義宗妻盧氏范陽士族盧彥衡之女涉書史事舅姑恭順夜有盜持兵劫其家人皆竄匿惟姑不能去盧冒刃立姑側爲賊摔捶幾死賊去人問何爲不懼答曰隣里急難尙相赴況姑可委棄邪若百有一危我不得獨生姑曰歲寒然後知松柏後凋吾乃今見婦之心貞觀中卒

劉寂妻夏侯氏滑州胙城人字碎金父長雲爲鹽城丞喪明時劉已生二女乃求離其夫歸侍父疾兼事後母以孝稱經五年舊書作十五年父亡毀不勝喪身負土作墳廬其左寒不歸日一食者三年詔賜粟帛表異門閭後其女居

母喪亦如母行官又賜粟帛表其門

于敏直妻張氏皖城公儉之女生三歲每父母病晝夜省視如成人及長愈恭順適于氏聞儉病篤號泣幾絕儉死一慟遂卒高宗懿其行賜物百段以狀屬史官

楚王靈龜妃上官氏下邳人舊書作上邳人右金吾將軍懷仁之女靈龜出繼楚哀王後而本生舅姑具存妃朝夕侍奉

謹甚凡珍美非經獻不先嘗靈龜卒將葬其前妃閭氏嫁不踰年而卒又無近族議者欲不舉妃曰逝者有知魂可無託乎乃備禮合葬聞者嘉歎喪除兄姊共以妃少無子諷使改醮泣曰丈夫以義婦人以節我未能殉溝壑尙可御粧澤祭他胙乎將自剗則衆遂不敢彊

楊紹宗妻王氏華州華陰人二歲母亡鞠於繼母父征遼歿繼母尋卒王年十五乃舉二母柩而立父象招魂以葬廬於墓左永徽中詔楊氏婦在隋時父歿遼西能招魂克葬又葬祖父母親服板築哀感行路嘉尚良深因賜粟以表其門閭

孝女濮州鄆城人年十五父爲族人立基所殺其弟彊仁尙幼孝女不肯嫁躬撫育之彊仁能自樹立教伺以基殺之取其心肝以告父墓彊仁詣縣言狀有司論死孝女詣闕請代弟死高宗閔歎詔并免之內徙洛陽玄賜李氏妻王阿足深州鹿城人幼孤無兄弟惟一姊早寡阿足歸李氏數歲夫死無子以姊高年無供養乃誓不嫁書耕夜織能辦生事餘二十年姊乃亡葬送如禮鄉人服其節行爭遣女妻往師壽終於家

樊彥琛妻魏氏揚州人

舊書作楚州淮陰人

彥琛病魏曰公病且篤不忍公獨死彥琛曰死生常道也幸養諸孤使成立相

從而死適足貽累非吾取也彥琛卒值徐敬業難魏爲賊所獲聞其知音逼令鼓箏魏曰夫亡不死今見逼禍由手發引刀斬其指賊黨欲彊妻之固拒不從賊以刀擬頸魏厲聲曰狗盜乃欲辱人速死吾志也乃見害聞者傷之

李畬母者失其氏有淵識畬爲監察御史得廩米量之三斛而贏問于史曰御史米不概也又問車庸有幾曰御史不償也母怒敕歸餘米償其庸因切責畬畬有孝行乃劾倉官自言狀詣御史聞之有慙色

汴女李氏年八歲父亡殯於堂十年朝夕臨及笄母欲嫁之斷髮丐終養居母喪哀號過人自庀葬具廬於墓蓬頭跣足自負土以完園塋時松數百武后時按察使薛季昶以聞詔樹闕門閭

崔繪妻盧氏范陽人鸞臺侍郎獻之女獻有美名爲來俊臣所陷左遷西鄉令而卒繪喪盧年少諸兄欲嫁之盧

稱疾不許亡姊之夫工部侍郎李思冲方顯重表求繼室詔許之諸兄不敢拒將婚之夕方以告盧仍令人防其

門盧拒不可是夕出是寶糞穢蟻面還崔舍斷髮自誓思冲以聞武后不奪也詔爲浮屠尼以終

初爲工部侍郎求繼室則非武后朝事矣而新書作武后詔盧氏爲尼所載互異

按舊書本傳稱李思冲於神龍

堅貞節婦李氏年十七嫁鄭廉未踰年廉死常布衣蔬食夜忽夢男子求爲妻初不許後數數夢之李自疑容貌未衰所召卽截髮垢面衣麻衣自是不復夢刺史白大威欽其操號堅貞節婦表旌門闕名所居曰節婦里符鳳妻某氏字玉英有美姿鳳以罪徙儋州至南海爲獠賊所殺脇玉英私之對曰一婦人不足事衆男子請推一長者賊然之乃請更衣有頃盛服立於舟罵賊沈海而死

高叡妻秦氏叡爲趙州刺史爲默嚙所攻州陷叡仰藥不死至默嚙所誘之降叡視秦秦曰君受天子恩當以死報賊官安足榮自是皆瞑目不語默嚙知不可屈乃殺之

王琳妻韋氏士族也琳爲眉州司功參軍韋不施簪珥訓二子有法後皆名聞琳卒時韋年二十五家欲彊嫁之韋固拒至不聽音樂處一室或終日不食卒著女訓行於世

盧惟清妻徐氏淄州人世客陳留惟清仕歷校書郎徐女兄之夫李宜得以罪斥惟清坐僚姻貶播州尉徐還鄉里糲食斥銚膏采繻不御會大赦徐問關迎惟清至荊州聞惟清死二髯奴將刳徐歸下江徐知之數其罪奴不敢逼刳其贅去徐偕道行至播川足繭流血得惟清尸以還闔歲至洛陽旣葬以無子終服還陳留汴州刺史齊海高其節以詩紀之

饒娥字瓊真饒州樂平人勤織紉頗自修整父勸漁於江遇風濤舟覆屍不出娥年十四哭水上不食三日死俄

大震電水蟲多死父屍浮出鄉人異之葬其父及娥鄆水之陰建中初黜陟使鄭叔則表旌其閭河東柳宗元爲立碑云

寶伯女仲女京兆奉天人承泰中草賊數千人刼其村二女逃匿山谷賊迹而得之曳之行臨大谷伯曰我豈受汙於賊乃自投下賊大駭仲亦躍而墜京兆尹第五琦表其烈行詔旌門閭免其家徭役官爲庀葬

順武縣尉盧甫妻李氏秦州成紀人父瀾承泰初爲斬令梁宋兵興瀾諭降劇賊數千人刺史曹昇襲賊敗之賊疑瀾賣己執瀾及其從弟渤兄弟爭求代死李見父被執亦請代父遂皆遇害又有尉氏縣尉王泛妻裴氏儀王傳巨卿之女亦俘賊中欲汙之罵曰吾衣冠子豈愛生受汙邪賊臨以兵罵不止乃支解焉宣慰使李季卿並以狀聞詔贈李孝昌縣君裴河東縣君仍編入史冊瀾渤並贈官

鄒待徵妻薄氏待徵尉江陰袁晁亂薄爲賊所掠將汙之不從出懷中待徵官誥付家媼使報待徵曰我義不辱乃投江死賊去待徵得其尸於江岸義聲動江南聞人李華作哀節婦賦

金節婦者安南賊帥陶齊亮之母也常以忠義誨齊亮頑不受遂絕之自田而食紡而衣州里矜法焉大厯初詔賜兩丁侍養本道使四時存問

高慙女名妹妹父彥昭事李正己及納拒命質彥昭妻子使守濮陽建中二年彥昭挈城歸河南都統劉玄佐納屠其家時女七歲母李憐其幼請免死爲婢許之女不肯曰母兄皆不免何賴而生因問父在所西嚮哭再拜就死事聞德宗嘉歎詔太常賜諡曰慙諸儒爭爲之誄彥昭從玄佐救靈陵復汴州累功授潁州刺史朝廷錄其忠卒贈陝州都督

楊烈婦者李侃妻也建中末侃爲項城令李希烈陷汴分兵略定諸縣侃以城小賊銳欲逃去婦曰寇至當守力
不足則死將焉逃請重賞募死士尙可濟侃乃召吏民入廷中曰今滿歲則去非如吏民生此土也墳墓存焉宜
相與死守忍失身奉賊乎衆泣許諾乃徇曰以瓦石擊賊者賞千錢以刀矢殺賊者萬錢得數百人侃率以乘城
婦身自爨以享衆報賊曰項城父老義不下賊得吾城不足爲威宜亟去徒失利無益也賊大笑侃中流矢還家
婦責曰君不在人誰肯固守死於外猶愈於牀也侃遽登城會賊將中矢死遂引去縣卒完詔譔侃太平令先是
萬歲通天初契丹寇平州鄒保英爲刺史城且陷妻奚氏率家僮及城中女丁相助固守賊退詔封誠節夫人默
啜攻飛狐縣令古玄應妻高氏亦能固守城得不陷詔封徇忠縣君史思明之叛衛州女子侯氏滑州女子唐氏
青州女子王氏相與歃血赴行營討賊滑濮節度使許叔冀表其忠皆補果毅

賈直言妻董氏直言坐事貶嶺南以妻少乃訣曰生死不可期吾去可亟嫁董不答引繩束髮封以帛曰非君手
不解使直言署之直言貶二十年乃還署帛宛然及湯沐髮墮無餘

李孝女者名妙法瀛州博野人安祿山亂被刦徙他州聞父亡欲間道奔喪其一子不忍捨育割一乳留以行既
至父已葬號踊請開父墓以視宗族不許復持刀刺心乃爲開之結廬墓左手植松栢有異鳥至後其母病或不
飲食女亦不食及亡刺血書於母臂而葬廬墓終身

李湍妻某氏湍籍吳元濟軍元和中自拔歸烏重脣妻爲賊縛斃而食之至死猶號湍曰善事烏僕射觀者歎泣
重脣請以其事屬史官詔可

董昌齡母楊氏世居蔡昌齡累事吳少誠少陽至元濟時爲吳房令因常密戒曰逆順成敗兒可圖之昌齡未決

徙鄆城楊復曰逆賊欺天神所不福當速降無以我累兒爲忠臣吾死不恨會朝廷討蔡逼鄆城昌齡乃降並說賊將鄧懷金歸欵憲宗喜卽拜鄆城令兼監察御史昌齡謝曰母之訓也帝嗟嘆元濟囚楊欲殺者屢矣蔡平而母在陳許節度李遜表之封北平郡太君

崔瑄祖母唐氏

按唐書柳玭傳附載崔瑄祖母唐夫人升堂乳姑事今爲立傳編次於此謹識

博陵人事姑以孝聞瑄曾祖母長孫氏年高無齒唐每旦

櫛縱拜拜階下升堂乳姑長孫不粒食而康寧者數年一日姑病言無以報吾婦願子孫皆如婦孝其後瑄爲山南西道節度使昆弟子孫之盛士族罕比識者以爲孝婦之報

王孝女徐州人字和子元和中父兄皆爲防秋卒戍涇州吐蕃寇邊並戰死和子年十七單身被髮徒跣縗裳抵涇屯丐護二喪歸葬植松柏翦髮壞容廬墓所節度使王智興白狀詔旌其門

段居貞妻謝氏字小娥洪州豫章人居貞本歷陽俠少年娶歲餘與謝父同賈江湖上並爲盜所殺小娥赴江流得救以免轉側丐食至上元夢父及夫告所殺主名離析其文爲十二言持問內外姻莫能曉隴西李公佐占得其意曰殺若父者必申蘭若夫必申春小娥乃詭服爲男子與傭保雜物色歲餘得蘭於江州春於獨樹浦蘭與春從兄弟乃名盜也小娥託傭蘭家以謹信自效蘭寢倚之小娥見所盜段謝服用故在益知所夢不疑出入二期以伺其便他日蘭盡集羣偷釃酒蘭與春醉臥廬中小娥閉戶拔佩刀斬蘭首因大呼鄰里捕賊鄉人共擒春得賊千萬其黨數十小娥悉疏其人之官皆抵死乃始自言狀刺史張錫嘉其烈白觀察使使不爲請還豫章人爭聘之不許祝髮爲尼垢衣糲飯終身

楊含妻蕭氏父歷爲撫州長史以官卒母亦亡蕭年十六與婢皆毀貌載二喪還鄉里貧不能給丹庸次宣州戰

烏山舟子委柩去蕭結廬水濱與婢穿墻納棺成墳靜松柏朝夕臨有馴鳥縞兔菌芝之祥長老等爲立舍歲時進粟繼以親未葬喪滿不釋縗人高其行或請昏女曰我弱不能北還君誠爲我致二柩葬故里請事君子於是含以高安尉罷歸聘之既葬二親乃釋服而歸楊

章雍妻蕭氏雍字和叔擢進士第張弘靖鎮幽州表授觀察判官朱克融亂雍被劫蕭聞難執雍袂與俱出左右格之不退雍臨刃蕭呼曰我義不苟生願今日死君前刑者斷其臂乃殺雍蕭詞氣不撓觀者哀歎是夕死太和中節度使楊志誠表其烈詔贈蘭陵縣君

衛方厚妻程氏太和中方厚爲邕州錄事參軍招討使董昌齡治無狀方厚數爭事昌齡怒將執付吏辭以疾不免卽以死告臥棺中昌齡知之使闔棺甚牢方厚閉久以絕程懼并死不敢哭昌齡恬不疑厚遺其喪程徒行詣闕叩右銀臺門自刎陳冤下御史鞠治得實昌齡乃得罪開成初詔封程武昌縣君賜一子九品正員官

鄭孝女袁州瑯邱人父神佐爲戍卒戰死慶州時母已亡又無兄弟女時年二十四卽翦髮毀形自往慶州護喪還鄉里與母合葬廬墓下手樹松柏成林初許適牙兵李玄慶至是謝不嫁大中中袁州節度使蕭俶狀於朝詔旌其閭

李廷節妻崔氏乾符中廷節爲郟城尉王仙芝攻汝州廷節被執賊見崔殊美將妻之詔曰我士人妻死亡有命豈受賊汙賊怒刳其心食之

殷保晦妻封氏封敖孫也名絢字景文能文章草隸保晦歷校書郎黃巢入長安保晦逃匿賊悅封色欲取之固拒不答賊怒脇以劍封罵曰我公卿子守正而死猶生也終不辱逆賊手遂遇害保晦歸見封死號慟而絕

賢烈婦者河南人朝邑令畢某妻初同州軍亂令匿望仙里不知所舍乃仇家也夜半盜入梓令首欲殺之寶泣蔽捍苦持賊袂中刃幾死不解令得脫走賊亦去京兆聞之歸酒帛醫藥而愈

李拯妻盧氏美姿能屬文拯字昌時咸通末擢進士累遷考功郎中黃巢亂避地平陽僖宗召爲翰林學士帝出寶雞陷於嗣襄王熈熈敗拯死盧伏尸哭王行瑜兵逼之不從脇以刃斷一臂死

山陽女趙氏父盜鹽當論死女詣官訴曰迫飢而盜救死爾情有可原能原之邪否則請俱死有司義之許減父死女曰身今爲官所賜願依浮屠法以執即毀服截耳侍父疾終身不嫁

周迪妻某氏迪善賈往來廣陵會畢師鐸亂人相掠賣以食迪飢將絕妻曰今欲歸不兩全親在君不可并死願見賣以濟君行迪不忍妻固與詣肆售得數千錢以奉迪迪至肆見妻首已在枰矣迪裹餘體歸葬之

朱延壽妻王氏延壽事楊行密爲壽州刺史惡行密不臣與寧國節度使田頔謀絕之以歸唐事泄行密以計召延壽欲與揚州延壽信之將行王曰若得揚州成宿志矣然願日一介爲驗許之及爲行密所殺介不至王曰事敗矣卽部家僕授兵器方闔扉而捕騎至遂出私帑施民發百燎焚牙居呼天曰我誓不爲讎人辱赴火死

五代

臣等謹按五代史無列女傳茲於馮道傳前節取王凝妻李氏事補入以符鄭例

王凝妻李氏家青齊閭素貧凝爲號州司戶參軍以疾卒於官一子尙幼李攜其子負其遺骸以歸東過開封止旅舍旅舍主人見其婦人獨攜一子疑之不許其宿李顧天已暮不肯去主人牽其臂出之李仰天長慟曰我爲婦人不能守節而此子爲人執邪不可以一手并污吾身卽引斧自斷其臂路人見者環聚而嗟之或爲之彈指

或爲之泣下開封尹聞之凶其事於朝官爲賜藥封瘡厚卹李氏而管其主人

欽定續通志卷五百八十九終

主事員外郎管其主人

欽定續通志卷五百九十

列女傳二

宋

朱娥 江夏民婦張氏 彭列女 郝節娥 開封民婦朱氏 包纔妻崔氏 貝州趙氏女 張晉卿妻

丁氏 孫氏婦項氏 王氏二婦 張弼妻徐氏 馬元穎妻榮氏 吳永年妻何氏 永年姊 滕縣董氏

女 王宣妻曹氏 丁國兵妻 南劍州民婦 吳琪妻譚氏 李科妻 陳公緒妻劉氏 羅江張氏女

范孝純妻師氏 陳堂前王氏 歐陽希文妻廖氏 李生妻 王裘妻趙氏 涂端友妻陳氏 蕪湖詹氏女

劉生妻歐陽氏 朱雲孫妻劉氏 劉當可母王氏 婦杜氏 曾氏婦晏氏 謝泌妻侯氏 樂氏二女 謝枋得妻

李氏 王貞婦 趙淮妾 譚氏婦趙氏 吳中孚妻 呂仲洙女良子 永春林老女 童八娜 韓氏

女希孟 王氏婦梁氏 劉仝祖妻林氏 毛惜情

朱娥者越州上虞朱回女也母早亡養於祖媼里中朱顏與媼競持刀欲殺媼一家驚潰娥時十歲獨號呼突前擁蔽其媼手挽顏衣不釋曰寧殺我毋殺媼也連被數十刀猶力挽顏衣媼得脫顏忿娥斷其喉以死事聞賜其家粟帛其後會稽令董為娥立像於曹娥廟歲時配享焉

張氏鄂州江夏民婦里惡少謝師乞持刀至其家欲逼與亂張大罵不從至以刃斷其喉猶能走擒師乞以告鄰

人既死朝廷聞之詔封旌德縣君表其墳曰列女墓賜酒帛令郡縣致奠

彭列女生洪州分寧農家從父泰入山伐薪父遇虎將不脫女拔刀斫虎奪其父而還事聞詔賜粟帛敕州縣歲

時存問

郝節娥嘉州娼家女生五歲母娼苦貧賣於洪雅良家爲養女始笄母奪歸欲令世其娼娥不樂母日逼之娥曰少育良家習織作組紉之事足以給母朝夕求終爲良母益怒洪雅春時爲蠶叢祠母與邑少年期因蠶叢具酒邀娥母與娥徐往娥見少年倉皇驚走母挽掙不使去不得已留坐中顧酒食輒唾強飲之則嘔噦滿地少年卒不得侵凌暮歸過雞鳴渡娥度他日必不可脫陽渴求飲投江死鄉人謂之節娥云

朱氏開封民婦也家貧賣巾屨簪珥以給其夫夫日與俠少飲博不以家爲事犯法徙武昌父母欲奪嫁之朱曰何迫我如是耶夫將行一夕自經死且曰及吾夫未去使知我不爲不義屈也開封府判官吳充作阿朱詩以道其事

崔氏合肥包繯妻繯樞密副使拯之子早亡惟一稚兒拯夫婦意崔不能守也使左右嘗其心崔蓬垢涕泣出堂下見拯自矢無它後稚兒亦卒母呂自荊州來誘崔欲嫁其族人因謂曰喪夫守子子死孰守崔曰昔之留也非以子也舅姑故也今舅歿姑老矣將舍去乎呂怒詛罵曰我寧死此決不獨歸須爾同往也崔泣曰母遠來義不當使母獨還然到荊州儻以不義見迫必納於尺組下願以屍還包氏遂偕去母見其誓必死卒還包氏

趙氏貝州人王則反聞趙氏有殊色使人劫致之欲納爲妻趙日號哭慢罵求死賊愛其色不殺多使人守之趙知不脫乃給曰必欲妻我宜擇日以禮聘賊信之使歸其家家人懼其自殞得禍於賊益使人守視賊具聘來迎趙與家人訣曰吾不復歸此矣家人曰汝忍不爲家族計趙曰第亡患遂涕泣登輿去至州靡舉簾視之已自縊輿中矣尙書屯田員外郎張寅有趙女詩

張晉卿妻丁氏新鄭人參知政事度五世孫也靖康中與晉卿避金兵於大隴山爲金兵所得挾之鞍上丁自投於地大罵求死誓不受辱復挾上馬罵不已遂擊殺之

項氏吉州吉水人居永昌里適同里孫氏宣和七年爲里胥所逮至中途欲侵凌之項引刀自刺死郡以聞詔贈孀人旌表其閭

王氏二婦汝州人建炎初金人至汝州二婦爲所掠擁置舟中遂投漢江死屍皆浮出不壞人爲收葬之城外江上爲雙塚表之

徐氏和州人閩中女也適同郡張弼建炎三年金人攻維揚官軍望風奔潰多肆擄掠執徐欲汙之徐瞋目大罵曰朝廷舊輩以備緩急既不能赴難又乘時爲盜我恨一女子不能引劍斷汝頭以快衆憤肯爲汝辱以苟活耶第速殺我賊慙恚刺殺之投之江中

榮氏薊女弟也自幼如成人讀論語孝經能通大義事父母孝歸將作監主簿馬元穎建炎二年賊張遇寇儀真榮與其姑及二女走維揚姑素羸榮扶掖不忍舍俄賊至脇之不從賊殺其女脇之益急榮厲聲詈罵遂遇害

何氏吳人吳永年之妻也建炎四年金兵道三吳官兵遁去城中人死者五十餘萬永年與其姊及妻奉母而逃母老待挾持而行卒爲敵兵所得將縶其姊及何何給曰諸君何不武也婦人東西惟命爾金兵信之行次水濱謂其夫曰我不負君遂投於河其姊繼之

董氏沂州滕縣人許適劉氏子建炎元年盜李昱攻剽滕縣悅其色欲亂之誘諭再三女終不屈遂斷其首劉氏子聞女死狀大慟曰列女也葬之爲立祠

曹氏

按王宣妻丁國兵妻南劍州民婦皆與黃氏女事不相屬死不同時臨淮縣人王宣妻建炎四年盜馬進掠宋史以三婦附載黃氏傳後於合傳之例不符今爲析出另列謹識

臨淮宣妻曹氏避之曹曰我聞婦人死不出閨房賊至宣走避曹堅臥不起賊劫之大罵不屈爲所害

丁國兵妻東安縣人建炎四年盜祝友聚衆於滁州龔家城掠人爲糧國兵及其妻爲所掠妻泣曰丁氏族流亡已盡乞存夫以續其祀賊遂釋夫而害之

南劍州小常村民婦失其姓爲叛卒楊就所掠欲與亂婦毅然誓死不受汗遂遇害棄屍道旁賊退人爲改瘞屍所枕藉處跡宛然不滅每雨則乾晴則濕或削去復見覆以他土其迹愈明

譚氏英州滇陽縣人曲江村士人吳琪妻也紹興五年英州饑觀音山盜起攻剽鄉落琪竄去譚不能俱與其女被執譚有姿色盜欲妻之譚怒罵曰爾輩賊也我良家女豈若偶耶賊遂害之同時有南雄李科妻謝氏保昌故村人虔州盜囚之數日欲犯之謝唾其面曰盜萬段我不汝徇也盜怒剄之去

劉氏海州朐山人適同里陳公緒紹興末金人下山東公緒南奔偶劉歸寧倉卒不得與偕惟挈其子庚以行宋授以八品官後累功至正使劉留北方音問不通或勸之改適劉守志益堅公緒亦不他娶子庚浸長傾家貲結任俠奔走淮甸險阻備嘗者十餘年遂得迎母以歸劉在北二十五年嘗繯蕭以自給

張氏羅江士人女母楊氏寡居一日親黨有婚會母與女偕往其典庫雍乙者從行既就坐乙先歸會罷楊氏歸則乙死於庫莫知殺者主名成都提刑張文饒疑楊有私殺乙以滅口命石泉軍劾治楊言與女同榻實無他遂逮其女考掠無實吏乃掘地爲坑縛母於其內旁列熾火間以水沃之絕而復蘇者屢辭終不服一日女謂獄吏曰我不勝苦毒將死矣願一見母吏憐而許之既見謂曰母以清潔聞奈何受此汗辱寧死鑑楚不可自誣女命